



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

10. Cognitio & amor dulcedinis.

Nutzungsbedingungen

[urn:nbn:de:hbz:466:1-55242](https://nbn-resolving.org/urn:nbn:de:hbz:466:1-55242)

magno, & omnium Angelorum & hominum amorem habere desidero. *Iubes Te diligi, da, quod iubes, & iube quod vis.*

Aspirationes.

I. *Confitemini Domino, quoniam bonus; quoniam in seculum misericordia Eius. Psal. 106.*

II. *Amplectar Te bonum, sine quo nihil bonum! Amplectar Te optimum, sine quo nihil optimum! S. Aug. soliloq. c. 1.*

III. *O Bonum super omne bonum, Bonum summum, bonum increatum, amo Te super omne bonum creatum: & millies amplius amare Te desidero.*

P A S S U S X.

Cognitio & amor dulcedinis DEI.

T E X T U S.

Gustate & videte, quoniam suavis est Dominus. Psal. 33. 9.

Cognitio.

I. **T**U Domine Deus meus, es tibi ipsi dulcedo infinita: es enim objectum
omne

210 SEMITA PERFECTIIONIS.

omne dulce & delectabile eminentissimè in se continens. *Dulcis & rectus Dominus.* Psal. 24. 8. Deinde de te ipso infinitè gaudes, ésque amor infinitus, & gaudium infinitum; de te ipso delectationem infinitam hauriens.

II. Tu es causa & origo omnis dulcedinis spiritualis & corporalis; quidquid enim dulce, suave, amabile & delectabile in melle, saccharo, cibo, potu, fructibus, ceterisque creatis reperitur, à Te scaturit, tanquam tenuis rivulus, aut guttula ex immenso dulcedinis tuæ pelago.

III. Neque solùm omne objectum dulce & delectabile; sed omnis etiam delectatio, sensusque dulcedinis, in angelis, hominibus & animalibus à te proficiscitur. A te enim est objectum & proportio congruentiæ & convenientiæ, quam objectum illud habet ad illam animæ facultatem. Ideoque à Te quoque est infinita & æterna dulcedo omnium Angelorum & spirituum beatorum in æterna beatitudine, objectivè & effectivè. *Lessius.*

Dilectio.

O igitur anima cœca, anima stolidâ, quid per bona fluxa & evanida, vel ista, vel illa vagaris? Quid carptim varia delibas mella? Erige mentis alas, & ad DEUM trans-

transvola , qui est omne bonum , omne dulce , in quo ipsa dulcedo , in suo fonte degustatur : in quo omnes deliciae & voluptates, omnes recreationes & amœnitates, omnia solatia & gaudia , omnis felicitas & beatitudo exuberat. Da mihi obsecro, sapere, degustare & videre, quàm suavis sis Domine.

O mea dulcedo ! ô meum mel ! Tu mihi omni manna , nectare & ambrosia es dulcior : fac me suavitate tua ita inescari , ut omnis dulcedo mundana in amaritudinem, omne gaudium in mœrorem vertatur.

Charitas dulcis , Deus meus , accende me totum igne tuo , amore Tuî , dulcedine delectationis tue , desiderio tuî , charitate tuâ , iucunditate & exultatione tuâ , pietate & suavitate tuâ , voluptate & concupiscentiâ tuâ , que sancta est & bona , que casta est & munda , ut totus amore dulcedinis tue plenus , totus flammâ charitatis tue vaporatus , diligam Te , Dominum meum , dulcissimum , & pulcherrimum , ex toto corde meo , ex tota anima mea , ex totis viribus meis , & ex omni intentione mea. S. Aug.

Aspirationes.

- I. Quàm magna multitudo dulcedinis tue, quam abscondisti timentibus te ! Psal. 30.
- II. Fac me , Domine , gustato tua nectare
cha-

charitatis, illecebrosam mundi despiciere, & nulla
ejus adversa formidare: nihil quæso sine Te
mibi dulcescat, nihil complaceat, nihil pre-
tiosum, nihil præter Te arrideat speciosum.
S. Aug. med. c. 7.

III. Absorbeat, Domine, mentem meam
ab omnibus, quæ sub celo sunt, ignita
& melliflua vis amoris tui; ut Tibi soli
inheream; solæque tuæ suavitatis memoriâ
pascar. S. Aug.

Deus dulcedo cordium!
In ore mel mirificum!
In corde nectar cœlicum!

P A S S U S XI.

Cognitio & Dilectio pulchri-
tudinis DEI.

T E X T U S.

*Ecce Tu pulcher es, Dilecte mi,
& decorus. Cant. c. 1.*

Cognitio.

Ecce tu pulcher es, Dilecte mi; es enim
pulchritudo infinita, omnem pulchri-
tudinem creatam & creabilem infinitè supe-
rans, & omnem eam quoque, quam ipsa
mens